
Saksnr: 2020/42918-3
Saksbehandlar: Øyvind Lyslo

Saksgang

Utval	Utv.saksnr.	Møtedato
Hovudutval for kultur, idrett og integrering		15.10.2020

Vidareutvikling av muskarordningane i Vestland

Forslag til vedtak:

1. Fylkesdirektøren kartlegg interessa for å utvide distriktsmuskarordninga i samarbeid med kommunane i fylket.
2. Fylkeskvoten i distriktsmuskarordninga vert gjort tilgjengeleg som ressurs i heile fylket.
3. Samla ressurs i fylkesmuskarordninga vert integrert i distriktsmuskarordninga, med folkemusikk som arbeidsfelt. Fylkesdirektør vurderer ei overgangsordning for dei som vert råka av omlegginga.
4. Det vert etablert arenaer for samarbeid mellom det profesjonelle og det frivillige musikkfeltet, og for arkiv og museum med folkemusikk og immateriell kulturarv som arbeidsområde.
5. Musikkfeltet vert utvikla vidare som del av arbeidet med ny kulturplan for Vestland fylke.

Samandrag

Hovudutval for kultur, idrett og integrering vedtok i sak 2020/67 ei utgreiing av muskarordningane i Vestland fylke. Som eit resultat av utgreiingsarbeidet tilrår fylkesdirektøren å kartlegge interessa for ei utviding av distriktsmuskarordninga. Samla ressurs i fylkesmuskarordninga bør integrerast i distriktsmuskarordninga, og det er behov for stillingar innan folkedans. Fylkeskvoten, muskarressurs knytt til distriktsmuskarordninga, vert tilrådd å omfatte heile fylket. Vidare er det ynskjeleg å etablere arenaer for samarbeid mellom det profesjonelle og frivillige musikklivet, og for arkiv og museum med fokus på folkemusikk og immateriell kulturarv.

Per Morten Ekerhovd
fylkesdirektør

Siri Ingvaldsen, Ronny Skaar
seksjonssjefar

Saksframlegget er godkjent elektronisk og har difor inga handskriven underskrift

Vedlegg

- 1 Vidareutvikling av muskarordningane i Vestland, utgreiing, 01.10.20
- 2 Innspel frå Vestland musikkråd
- 3 SFJ Folkemusikklag - Innspel til fylkeskommunen
- 4 Notat i samband med Vestland fylke sine muskarordningar

Saksutgreiing

Bakgrunn for saka

Hovudutval for kultur, idrett og integrering vedtok i sak 2020/67 (21.04.20) at det skulle gjennomførast eit utgreiingsarbeid for vidareutvikling av muskarordningane i Vestland fylke.

Bakgrunnen for utgreiingsarbeidet er Vestland fylkeskommune sitt ansvar og medansvar for to muskarordningar. *Fylkesmuskarordninga* er ei ordning for forvaltning og formidling av folkemusikkarven i fylket. I dag er to fylkesmusikarar tilsette i ordninga, med ein samla stillingsressurs tilsvarande 1,5 fulle stillingar. I tillegg står ei halv fylkesmuskarstilling vakant, og vert vurdert inndregen som del av innsparingstiltak i fylkeskommunen. Vidare har fylkeskommunen samarbeid med fem vertskommunar om *distriktsmuskarordninga*. Distriktsmusikarane er tilsette i kommunane, men fylkeskommunen har avtale om oppfølging og refusjon til distriktsmuskarordninga i Sogn og Fjordane, og går inn med tilskot til ordninga i Hordaland. Fylkesmuskarordninga i Sogn og Fjordane vart i 2013 vedteken omorganisert til distriktsmuskarstillingar, slik at distriktsmuskarordninga no tel 20 muskarar der fem har folkemusikk som arbeidsfelt.

Arbeidsgruppa har i dialog med vertskommunane, brukarane av muskarordningane og interesseorganisasjonane sett nærare på korleis muskarordningane kan vidareutviklast i eit samla Vestland fylke.

Utgreiinga ligg som vedlegg i saka.

Vedtakskompetanse

Hovudutval for kultur, idrett og integrering, jf. vedteke reglement for hovudutval for kultur, idrett og integrering, punkt 3.

Vurderingar og verknader

Gjennom utgreiingsarbeidet har det kome signal at det er ynskjeleg med ei utviding av dagens distriktsmuskarordning til også å omfatte dei sørlege delane av Vestland fylke. Ei utviding av ordninga føreset samarbeid med kommunane, og interessa for å inngå samarbeidsavtalar må kartleggast.

Fylkesmuskarordninga i Sogn og Fjordane er vedteken innlemma i distriktsmuskarordninga, og ei tilsvarande ordning for den samla ressursen i Vestland bør gjennomførast. Samordning av ressursane i fylkesmuskar- og distriktsmuskarordningane kan gje grunnlag for fleire stillingar i samarbeid mellom fylkeskommunen og kommunane. Ei slik løysing kan m.a. imøtekomme behovet for å styrke folkemusikken og folkedansen.

Fylkeskvoten er muskarressurs knytt til distriktsmuskarordninga i Sogn og Fjordane. Etter fylkessamanslåinga er det naturleg at ordninga kjem heile fylket til gode. Fylkeskommunen vil òg bidra til etablering av samarbeidsorgan mellom det profesjonelle og frivillige musikkfeltet, og for arkiv og museum med folkemusikk og immateriell kulturarv som arbeidsområde.

Det er fylkeskommunen si oppgåve å peike ut retning og legge til rette for samarbeid, i tillegg til å greie ut løysingar og modellar med tanke på å styrke og vidareutvikle både det frivillige og det profesjonelle musikklivet i heile Vestland. Samordning av tiltak, kompetansebygging og fordeling av verkemiddel mellom by og land vil vere sentrale problemstillingar i vidare arbeid. Vidareutvikling av musikkfeltet i fylket vert del av arbeidet med ny regional plan for Vestland.

Fylkesdirektøren viser vidare til vedlagde utgreiing for historikk og statusrapport om fylkes- og distriktsmuskarordningane, og for vurdering av korleis muskarordningane best kan vidareutviklast.

Økonomi: Samla fylkeskommunal løyving til distriktsmuskarordninga er i 2020 kr 3 942 000. Fylkesmuskarane er tilsette i fylkeskommunen og løna over ordinært lønsbudsjett.

Klima: Ikkje relevant.

Folkehelse: Kultur bidreg til betre folkehelse.

Regional planstrategi: Muskarordningane er verkemiddel for å følgje opp viktige satsingar i Premiss: kultur, regional kulturplan for Hordaland 2015-2025 og Kultur for alle, regional plan for kultur i Sogn og Fjordane 2019-2027.

Konklusjon

Fylkesdirektøren rår til at interessa for å utvide distriktsmuskarordninga vert kartlagt. Fylkeskvoten i distriktsmuskarordninga bør vere tilgjengeleg i heile fylket. Samla ressurs i fylkesmuskarordninga bør integrerast i distriktsmuskarordninga. To arenaer for samarbeid på musikkfeltet vert foreslått oppretta, eitt for samarbeid mellom det profesjonelle og frivillige musikklivet, og eitt for arkiv og museum med folkemusikk og immateriell kulturarv som arbeidsområde.